

# საქართველოს თავდაცვის მინისტრის

ბრძანება №49  
2020 წლის 27 მაისი

ქ. თბილისი

„საქართველოს თავდაცვის სამინისტროს თავდაცვის ძალების გენერალური შტაბის დებულების დამტკიცების შესახებ“ საქართველოს თავდაცვის მინისტრის 2018 წლის 13 დეკემბრის №132 ბრძანებაში ცვლილების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის თანახმად, ვბრძანებ:

## მუხლი 1

„საქართველოს თავდაცვის სამინისტროს თავდაცვის ძალების გენერალური შტაბის დებულების დამტკიცების შესახებ“ საქართველოს თავდაცვის მინისტრის 2018 წლის 13 დეკემბრის №132 ბრძანებით (ვებგვერდი, 14/12/2018, სარეგისტრაციო კოდი: 120010000.22.026.016679) დამტკიცებულ დებულებაში შეტანილ იქნეს შემდეგი ცვლილება:

### 1. მე-2 მუხლს დაემატოს 49-ე პუნქტი შემდეგი რედაქციით:

„49. კარტოგრაფიული, გეოდეზიური, საკადასტრო და პოლიგრაფიული სამუშაოების წარმოება, სხვადასხვა დანიშნულების რუკების შექმნა, აეროგადაღებით სამუშაოებში მონაწილეობის მიღება და კონტროლი.“.

### 2. მე-3 მუხლს დაემატოს 163<sup>1</sup>–163<sup>7</sup> პუნქტები შემდეგი რედაქციით:

„163<sup>1</sup>. კარტოგრაფიული, გეოდეზიური და გეოინფორმაციული სამუშაოების წარმოება, განახლებული ციფრული და ანალოგური ტოპოგრაფიული რუკების შექმნა, აერო და სატელიტური გადაღების მასალების დამუშავება, აღრიცხვა და შენახვა.

163<sup>2</sup>. სამხედრო დანიშნულების სპეციალური რუკების, საზღვაო და საავიაციო რუკების შექმნა.

163<sup>3</sup>. საველე გეოდეზიური სამუშაოების განხორციელება, ტერიტორიის ერთიანი სივრცითი კარტოგრაფიული მოდელის შექმნა, ციფრული რუკების მონაცემთა ბაზების შექმნა, მათი მუდმივი განახლება და GIS პორტალზე ატვირთვა.

163<sup>4</sup>. სამინისტროს სტრუქტურული ქვედანაყოფების პოლიგრაფიული მომსახურება.

163<sup>5</sup>. სამინისტროს ინტერესის სფეროს განკუთვნილი უძრავი ქონების საკადასტრო აზომვითი სამუშაოების ჩატარება და დოკუმენტირება.

163<sup>6</sup>. კომპეტენციის ფარგლებში, საქართველოს ტერიტორიაზე განსახორციელებელ აეროგადაღებით სამუშაოებში მონაწილეობის მიღება და კონტროლი.

163<sup>7</sup>. საქართველოს სახელმწიფო საზღვრის სადელიმიტაციო-სადემარკაციო სამუშაოების წარმოება.“.

### 3. მე-4 მუხლს დაემატოს მე-14 პუნქტი შემდეგი რედაქციით:

„14. კარტოგრაფია-გეოდეზიის დეპარტამენტი:

ა) ტექნიკური მონიტორინგის სამმართველო:



ა.ა) სტერეოფოტოგრაფიული განყოფილება;

ა.ბ) მონიტორინგის და უზრუნველყოფის განყოფილება;

**ბ) კარტოგრაფიული უზრუნველყოფის სამმართველო:**

ბ.ა) გეოინფორმაციული სისტემების ანალიტიკური განყოფილება;

ბ.ბ) დიზაინის და ციფრული დამუშავების განყოფილება;

ბ.გ) ციფრული ბეჭდვის განყოფილება;

**გ) გეოდეზიური უზრუნველყოფის სამმართველო:**

გ.ა) საინჟინრო გეოდეზიური განყოფილება;

გ.ბ) გარემოს სკანირებისა და მუდმივი მონიტორინგის განყოფილება.“.

**4. მე-17 მუხლის შემდეგ დაემატოს 17<sup>1</sup> მუხლი შემდეგი რედაქციით:**

**„მუხლი 17<sup>1</sup>. კარტოგრაფია-გეოდეზიის დეპარტამენტი**

**1. კარტოგრაფია - გეოდეზიის დეპარტამენტი ახორციელებს ამ დებულების მე-3 მუხლის 163<sup>1</sup> – 163<sup>7</sup> პუნქტებში მოცემულ კომპეტენციებს.**

**2. ტექნიკური მონიტორინგის სამმართველო ახორციელებს:**

ა) აერო და სატელიტური გადაღების მასალების კამერალურ დამუშავებას, აღრიცხვასა და შენახვას;

ბ) მულტიეროვნული გეოსივრცითი თანაწარმოების პროექტში (MGSP) მონაწილეობას და სამუშაო პროცესის წარმართვას;

გ) ციფრული და ანალოგური რუკების რედაქტირება-მონიტორინგს;

დ) კარტოგრაფიულ-საგამომცემლო ტექნოლოგიური პროცესების მონიტორინგს.

**3. კარტოგრაფიული უზრუნველყოფის სამმართველო ახორციელებს:**

ა) ციფრული და ანალოგური ტოპოგრაფიული რუკების შექმნას და განახლებას;

ბ) ციფრული რუკების მონაცემთა ბაზების შექმნას, განახლებას და GIS პორტალზე ატვირთვას;

გ) სამხედრო დანიშნულების სპეციალური რუკების, საზღვაო და საავიაციო რუკების შექმნას;

დ) ტერიტორიის ერთიანი სივრცითი კარტოგრაფიული მოდელის შექმნას და თავდაცვის ძალებში მისი გამოყენების მეთოდების დანერგვას;

ე) თავდაცვის ძალების უზრუნველყოფას სხვადასხვა მასშტაბის ციფრული რუკების გეომონაცემთა ბაზებით, ციფრული და ანალოგური ტოპოგრაფიული რუკებით, სამხედრო დანიშნულების სპეციალური და ზოგადგეოგრაფიული რუკებით და ქალაქების გეგმებით;

ვ) სხვადასხვა მასშტაბის ტოპოგრაფიული რუკების, სპეციალური და ზოგადგეოგრაფიული რუკების გამოცემას, წიგნების, ჟურნალ-გაზეთების და სხვა პოლიგრაფიული პროდუქციის დამზადებას;

ზ) საქართველოს ქალაქების გეომონაცემთა ბაზების შექმნას;



თ) ციფრული რუკების მონაცემთა ბაზების მუდმივ განახლებას სხვადასხვა აერო და სატელიტური გადაღებების, საველე დეშიფრირების და სხვადასხვა უწყებიდან მოწოდებული ინფორმაციის საფუძველზე;

ი) სამინისტროს სისტემაში GIS პორტალის და GIS მომზადების ორგანიზების სპეციალურ-მეთოდურ ხელმძღვანელობას;

კ) საქართველოს სახელმწიფო საზღვრის სადელიმიტაციო სამუშაოების წარმოებას;

ლ) სამინისტროს სტრუქტურული ქვედანაყოფების პოლიგრაფიულ მომსახურებას.

#### **4. გეოდეზიური უზრუნველყოფის სამმართველო ახორციელებს:**

ა) ტოპოგეოდეზიურ და საველე გეოდეზიურ სამუშაოებს;

ბ) სამინისტროს ინტერესის სფეროს განკუთვნილი უძრავი ქონების საკადასტრო-აზომვით სამუშაოებს და დოკუმენტირებას;

გ) საქართველოს ტერიტორიაზე განსახორციელებელ აეროგადაღებით სამუშაოებში მონაწილეობის მიღებას და კონტროლს, კომპეტენციის ფარგლებში;

დ) საქართველოს სახელმწიფო საზღვრის სადემარკაციო სამუშაოების წარმოებას.“.

#### **5. მე-18 მუხლს დაემატოს 8<sup>2</sup> პუნქტი შემდეგი რედაქციით:**

„8<sup>2</sup>. კარტოგრაფია-გეოდეზიის დეპარტამენტის უფროსის დროებით არყოფნის შემთხვევაში, მის უფლება-მოვალეობებს ახორციელებს მინისტრის ინდივიდუალური ადმინისტრაციულ-სამართლებრივი აქტით განსაზღვრული დეპარტამენტის სამხედრო მოსამსახურე.“.

#### **მუხლი 2**

ეს ბრძანება ამოქმედდეს 2020 წლის 5 ივნისიდან.

საქართველოს თავდაცვის მინისტრი

ირაკლი ღარიბაშვილი

